

FUNDACION CULTURAL DI FESTIVAL FOLKLORICO TA GRADICI Y DUNA SU BON DESEONAN PA AÑA 2018




Sumamente exitoso tabata e di 44 Festival di Dande, propio composicion y Tipico cu a tuma lugar riba dia 29 di December ultimo tabata tin 13 agrupacion cu 33 cantante di Dande. Na final di anochi a sali e resultado for di e cuerpo di hurado cu e Rey di Dande 2017 ta Jason Kelly y e Reina di Dande 2017: Veloushka Krozendijk.

E ganador di propio composicion ta: Jonathan Croes acompaña pa Alma Folklorico. Ganador Tipico ta: Sonido di Antaño cu un wals instrumental.

Un palabra di pabien na tur cantante di Dande cu nan gran presentacion. Un palabra di gratitud na e publico grandi cu a presencia e Festival di Dande cu ta di Nos. Un gratitud ta bay na prensa di Venezuela, Hulanda y specialmente na prensa di Aruba, radio, corant, y televisionnan.

Fundacion a reuni riba e exito di Festival di Dande y durante e reunion aki a keda stipula e fecha pa e festival "Un Canto pa Aruba Su Himno y Bandera" caba.

E festival aki lo bay tuma lugar riba e dianan 8 y 9 di Maart cu lo ta e pre-final y riba diadomingo 11 di Maart lo ta e gran final di



e festival.

Fundacion Cultural di Festival Folklorico ta gradici Gobierno di Aruba, Departamento di Cultura Aruba y CCDN bao auspicio di Ministerio di Cultura y Comercio pa e gran sosten na e exitoso Festival di Dande.

Na e mesun momento ta desea pueblo di Aruba un bon y feliz Aña 2018 den nomber di Presidente di Fundacion, sra. Jessica Croes.